

Powšitkowne WOZJEWJENJA

njedźelu, 27. awgusta 2017

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 5. septembra, w 14 hodź. do Domu biskopa Bena w Smochćicach přeprošeni. Zajimcy njech so prošu hač do srjedy, 30. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Štož chce wotewzaty być, njech to prošu zdžěli.

Wustajeńcu k reformaciji w Serbskim muzeju zakónča

Wosebitu wustajeńcu „Pjeć lětstotkow. Serbja a reformacija“ zakónča w Budyskim Serbskim muzeju tutu njedźelu, 27. awgusta. W 15 hodź. wodźi superintendent Jan Malink serbsce po wustajeńcy k reformaciji a w 17 hodź. kuratorka Andrea Pawlikowa němsce. W 16 hodź. započnje so literarno-hudźbny program, kotryž wuhotujetej basnica Měrana Cušcyna a chór Budyšin.

Duchowna hudźba

W Budyskej tachantskej cyrkwi zaklinči njedźelu, 3. septembra, we 18 hodź. duchowna hudźba ze skupinu Hušćanskich hońtwjerskich dujerjow, zesylnjenej z dujerjami z Lejnoho pola Wojerec. Pod nawodom Andreje Ende zanjese mjez druhim Hubertusowu mšu. Budyski Rotarijowy klub je financowanie hudźbnikow přewzał, tak zo móže so wša kolekta tutoho wječora za ponowjenje Eulowych pišćelow w ewangelskim džělu tachantskeje cyrkwy wužić.

25 lět Dom biskopa Bena w Smochćicach

Składnostnje 25lětneho wobstaća přeprošuje Dom biskopa Bena w Smochćicach njedźelu, 10. septembra, wutrobnje na swójbny swjedžeń. Wón zahaji so w 10.30 hodź. ze swjatočnej Božej mšu, kotruž změje starobiskop Joachim Reinelt. Wot 13 do 16 hodź. wočakuje wopytowarjow pisany program za wšitke starobne skupiny. Z džaknym nyšporom, kotryž změje biskop Heinrich Timmerevers w 16.30 hodź., swójbna njedźela w Smochćicach wuklinči.

Pytaja serbskeju referentow za młodžinu a džěći

W dekanatnym dušepastyrstwe we Worklecach matej so dvě džělowej městnje nachwilnje znowa wobsadzić. W decembru ma so referent respektiwnje referentka za dušepastyrstwo młodžiny a hnydom referent respektiwnje referentka za dušepastyrstwo džěći přistajić. Za wobě městnje je socialnopedagogiska abo teologiska kwalifikacija trěbna. Wuměnenja su dobre znajomosće w młodžinskim, džěcacych abo kubłanskim džěle, wobknježenje serbskeje rěče, zwólniwosć, tež wječor abo kónc tydženja džělać, a přezjednosć z nadawkom, službu a žiwjenjom katolskeje cyrkwy. Džělowej městnje stej w Don Boskowym domje we Worklecach. Link na nadrobne wupisanje džěloweju městnow nańdu zajimcy pod www.posol.de. Pisomne požadanja přijimuje hač do wutory, 5. septembra, biskopski ordinariat, personalny wotrjad, Käthe-Kollwitz-Ufer 84, 01309 Drježdźany abo z mailku na bewerbung@ordinariat-dresden.de.

Jězba do Naumburga

Dekanatne dušepastyrstwo přeprošuje džěci 5. a 6. lětnika wot pónđzele do štwórtka, 9. do 12. oktobra, na jězbu do Naumburga. Wot kóždoho wobdžělnika zběra so přinošk we wysokosći 75 eurow. Zajimcy njech so hač do štwórtka, 28. septembra, we Worklecach pod telefonowym čisłom (03 57 96) 8 87 07 přizjewja.

Mjezynarodne putnikowanje ministrantow do Roma

Mjezynarodne putnikowanje ministrantow do Roma budže klětu wot 29. julija do 4. awgusta. Ministranća, kotřiž chcedža so wobdžělic, dyrbja potom znajmjeńša 13 lět stari być. Přinošk wučinja 395 eurow. Starši njech wobkedžbujaju termin při planowanju dowola.